



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

17.12.2024

929-tm-son

### **Talabalarga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksiga rioya qilmaslik holatlari kuzatilmoqda. Jumladan, dekanat tomonidan dars mashg'uloti vaqtida ruxsatsiz telefondan foydalanmaslik yuzasidan ogohlantirish berilib, bu bo'yicha universitet rektorining Talabalarga hayfsan e'lon qilish to'g'risidagi bir nechta buyruqlari o'qib eshittirilganligiga qaramasdan 2024-yilning 11-dekabr kuni Xususiy huquq fakulteti 1-kurs talabalari Nasullayev Asilbek Hikmatillo o'g'li, Turg'unov Akbar Dilmurod o'g'li, Abduvaliyev Asrorbek Abrorjon o'g'li, Muhammadiyev Abdurahmon Ulug'bek o'g'li, Abdumalikov Javohir Abdusattor o'g'li, Tursunov Abduvohid Akmaljon o'g'li, Raxmatullayev Lazizbek Axmadullo o'g'li, 2024-yilning 16-dekabr kuni Yo'ldoshev Bahodir Baxtiyor o'g'li, Otaxonov Maxmud Bekebergan o'g'li, Primov Otabek To'lqin o'g'li dars mashg'uloti vaqtlarida ijtimoiy tarmoqlardan foydalanib, darsga taalluqli bo'lmagan sahifalarni tomosha qilib o'tirganligi hamda dars mashg'ulotlarini sifatli o'tilishiga salbiy ta'sir ko'rsatganligi dekanat tomonidan situatsion markaz orqali aniqlanib, video yozuvlar asosida isbotlab berilgan.

Talabalar mazkur harakatlari bilan Toshkent davlat yuridik universiteti Odob-axloq kodeksi 21-moddasi (dars mashg'ulotlari vaqtida uyali aloqa vositalaridan foydalanish barcha uchun qat'iyan taqiqlanadi. Uyali aloqa vositalaridan foydalanishga zarur va uzrli holatlarda pedagog xodimning ruxsati bilangina ruxsat etilishi mumkin) talablarini buzgan.

Holat yuzasidan tushuntirish xatlari olingan.

Yuqoridagilarni inobatga olgan holda, Oliy ta'lim to'g'risidagi nizom (ro'yxat

raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 30-moddasi hamda universitetning Ichki tartib qoidalari 83-band kichik “a”-bandi 2-xatboshisiga asosan

### **BUYURAMAN:**

1. Universitet Odob-axloq kodeksining 21-moddasi talablarini buzganligi uchun Xususiy huquq fakultetining quyidagi talabalariga hayfsan e’lon qilinsin:

Nasullayev Asilbek Hikmatillo o‘g‘li - 1-kurs;

Turg’unov Akbar Dilmurod o‘g‘li - 1-kurs;

Abduvaliyev Asrorbek Abrorjon o‘g‘li - 1-kurs;

Muhammadiyev Abdurahmon Ulug‘bek o‘g‘li - 1-kurs;

Abdumalikov Javohir Abdusattor o‘g‘li - 1-kurs;

Primov Otabek To‘lqin o‘g‘li - 1-kurs;

Raxmatullayev Lazizbek Axmadullo o‘g‘li - 1-kurs;

Tursunov Abduvohid Akmaljon o‘g‘li - 1-kurs;

Yo‘ldoshev Bahodir Baxtiyor o‘g‘li - 1-kurs;

Otaxonov Maxmud Bekebergan o‘g‘li - 1-kurs;

2. Fakulteti dekani (B.Musayev):

ushbu buyruq bilan barcha talabalarni tanishtirsin;

mazkur talabaning shaxsiy hujjatlar yig‘majildiga buyruq nusxasi tikilishini ta’minlasin;

ikki marotaba hayfsan berilgandan keyin talaba tomonidan yana o‘quv intizomini va TDYU tomonidan o‘rnatilgan ichki tartib-qoidalari buzilganda talabalarni talabalar safidan chetlashtirish mumkinligi to‘g‘risida ogohlantirsin;

fakultet talabalari o‘rtasida ushbu buyruqning mazmun mohiyati, ichki tartib qoidalarni buzish oqibatlarini haqida tushuntirish ishlari o‘tkazilishini ta’minlasin.

3. Mazkur buyruq ijrosini nazorat qilishni o‘z zimmasida qoldiraman.

**Yoshlar masalalari va  
ma’naviy-ma’rifiy ishlar  
bo‘yicha birinchi prorektor**



**A.XASHIMHONOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

B.MUSAYEV

**Kelishildi:**

Katta yuriskonsult

A.TURSUNOV



Direktor

SH.PO'LOTOV

